

alii supervenire soleant. Ulterius quoq; hoc privilegium 73
 de expellendo strepifero vicino, utut principaliter com-
 petat literatis in Academia viventibus, ob eundem tamen
 favorem & utilitatem publicam ad alios Ddres, Advocata-
 tos & literatos, qui extra Academias aliis in civitatibus
 degunt, ac patrocinando, consulendo, judicando aliis
 inserviunt, extenditur. vid. Richter. *ad Auth. Habita C. ne
 fil. pro pat. diff. 3. c. 2. n. 2.* Dn. Stryk. *d. c. 2. n. 14.* Utuntur 74
 vero hoc jure literati adversus vicinos quoscunque, qui
 artē strepiferā, ut sunt fabri ferrarii, vietores &c. vel etiam
 foetidam exercent, ut pelliones, qui ultra foetorem, quo
 naribus molesti sunt, toti quoque viciniæ suo strepitu,
 quando baculis pelles feriunt, molesti existunt. Richter
d. l. Spekhan. cent. 2. cl. 1. qu. 11. n. 10. Coler. *d. proc. Exec.
 p. 1. c. 4. n. 8.* Dn. Stryk. *d. l. & diff. 5. c. 3. n. 36.*

Quemadmodum autem hæc omnia facile locum 75
 habent, quando literatus prævenit opificem emendo vel
 conducendo, siquidem præoccupantis regulariter melior
 est conditio. *l. 32. ff. d. procur. l. 14. ff. d. nox. act.* tum pro-
 pter prioritatem temporis, quia qui prior tempore, po-
 tior jure; tum propter prærogativam possessionis, quæ
 nemini auferenda est, vid. Menoch. *d. c. 237. n. 7.* Dn. 76
 Stryk. *d. l. n. 10.* ubi limitationem habet; ita idem quo-
 que obtinet, si literatus cum opifice in emenda vel con-
 ducenda domo concurrat, cum & alias major semper
 præferatur minori, major vero fit causa studiorum, quam
 opificum; arg. *l. 54. ff. d. judic.* Menoch. *d. c. 237. n. 9.* Dn.
 Stryk. *d. l. n. 15.* Quin imo & ad illum casum hoc pri- 77
 vilegium aliqui extendunt, quando opifex prævenit li-
 teratum, vid. Perez. *ad tit. C. d. stud. lib. urb. Rom. n. 7.*